

方以類聚

六十

丹毒

身體忽然變赤如丹之狀。風熱惡毒所爲。重者亦有
疽之類也。小兒得之最爲急。戴復菴謂發丹色狀不
一。痒痛亦異。風熱則赤。風冷則白。今人但呼赤爲丹。
白爲膜。古方亦名爲癰疹。非特分寒熱。亦兼備四氣。
近世方論呼白爲婆膜。赤爲血風。丹溪謂內傷癰者。
胃氣極虛。一身之火。遊行於外所致。宜補以降之。愚
邈謂丹毒一名天火。

五色丹毒俗名遊腫犯者多死不可輕視以榆白皮末鷄子白和塗

○甌帶燒灰鷄子白和塗

○黃龍湯飲二合並塗卽人糞也

○搗大蒜厚傅之乾卽易

○鹿角燒末猪脂和傅

○蜜和乾薑末傅

○蒴藿葉搗傅之

○芋根濃煎汁日三浴

○蒲席燒灰和鷄子白塗

○剥栗樹皮有刺者煎水洗之

○火焰丹毒梔子搗和水塗

○水調芒消末塗

○銀朱調鷄子清塗

○酢和石灰塗或同青靛

○老鴉眼睛草葉入酢細研傅能消赤腫

○從頭起者生葱汁塗

○遍身者大黃磨水頻刷之

○野火丹毒從背上兩脇起者僵蠶二七枚和慎火
草搗塗

○自兩足起者乳香末羊脂調塗

○火竈丹毒從兩脚起如火燒者五加根葉燒灰五
兩取煨鐵家槽中水和塗之

○從背起者柳木灰水調塗

○赤遊丹毒麻仁搗末水和傳

○浮萍搗汁遍塗之

○赤瘤丹毒無名異末葱汁調塗

○赤遊火丹新生荷葉搗爛入鹽塗

○黃芩末水調塗

○母猪糞水絞汁服並傳

○熱遊丹毒瓜萋子仁二大兩醱酢調塗

○丹毒腫痒陽起石煨研新水調塗

丹毒浸淫走串皮中名火丹以蟬螬搗爛塗

○赤小豆末和鷄子白時時塗

○丹從臍起檳榔末酢調傳

○發丹如瘤生綿羊腦同朴消研塗

○脚腿紅腫熱如火炙俗名赤遊用鐵繡水塗解之

○丹毒瘤腫用蜈蚣一條白礬一阜子大雷丸一箇

百部二錢研末酢調傳

○一切丹毒水和蚯蚓泥傳

○遍身赤丹麝羊角燒灰鷄子清和塗

○赤丹如疥不治殺人煎青草脂摩

○赤遊風癰芭蕉根搗爛塗

○熱毒丹瘡千金用慎火草搗汁拭之日夜拭一二
十遍一方入苦酒搗泥塗

○赤白丹腫藏器以水蛭十餘枚令啞病處取皮皺
肉白爲效冬月無蛭地中掘取暖水養之令動先
淨人皮膚以竹筒盛蛭合之須臾咬啞血滿自脫

更用鐵者

○身面白丹白瓷瓦末和猪脂塗

○金花散治一切丹毒熱痛熈赤鬱金黃連黃芩各
一兩糯米三合俱爲末蜜水調如泥雞翎掃丹上
乾卽易

○麻黃散治惡毒丹及風疹麻黃升麻葛根各一兩
射干雞舌香甘草炙各半兩石膏半合水三升煮
取一升大人一服三歲兒分三服日三

○郭氏金黃散治熱毒丹流遊走不定疼痛不止寒
水石二兩鬱金一對藍實大黃黃檗黃連景天各
一兩爲細末鷄子清調敷水亦可

○漏蘆湯非裏實證不可用漏蘆白蘞黃芩麻黃白
薇枳殼升麻芍藥甘草大黃各三錢水一斗煮三
升分三服快下之無藥處單大黃亦可

赤白遊風

屬脾肺氣虛。腠理不密。風熱相搏。或寒閉腠理。內熱
怫鬱。或陰虛火動。外邪所乘。或肝火風熱血熱。

如水散治風邪熱毒壅滯肌肉榮衛不宜蘊積成
腫血溢膚腠如丹之狀風隨氣行遊無定處邪毒
攻衝焮赤熱痛朴消五兩另研寒水石蛤粉各三
兩白芷一兩片腦一錢另研俱爲細末新汲水調
稀稠得所以鷄翎塗掃勿令藥乾

紫白癰風 白駁 癰瘍風

紫者。皮膚生紫點。搔之皮起而不痒痛者是也。風濕邪氣客於腠理。與氣血相搏。致榮衛否澀。風冷在於肌肉之間。故令色紫也。白者。肺有壅熱。又風氣外傷於肌肉。熱與風交併。邪毒之氣伏留於腠理。與衛氣相搏。不能消散。令皮膚皴起。生白癰點。故名白癰風也。白駁者。肺風流注皮膚間。久而不去之所致也。多生於項。面點點癰白。但無瘡。及不瘙痒。不早療。即便

浸淫。癰瘍者。風邪積熱。居於肺腑。久而不散。流溢皮膚。頸邊胸前腋下。自然癰駁。點點相連。其色微白而圓。亦有紫色者。亦無痛痒。

○紫白癜癰貝母南星等分爲末。生薑帶汁擦之。

○談埜翁以生薑擦動酢磨貝母塗

○聖惠用貝母百部等分爲末。自然薑汁調搽

○桑枝十斤。益母草三斤。水五斗。漫煮至五升。去渣。再煎成膏。每臥時溫酒調服半合。以愈爲度。

○白煮猪肚一枚食之頓盡忌房事

○膽礬牡蠣粉各半兩生研酢調摩

○猪脰一具酒浸一時飯上蒸熟食不過十具

○端午日收紫背浮萍晒乾每以四兩煎水浴並以萍擦之或入漢防已二錢

○羊蹄根二兩獨科掃帚頭一兩枯礬五錢輕粉一錢生薑半兩同杵如泥以湯澡浴手抓患處起粗皮以布包藥著力擦之暖臥取汗一方用硫黃

○龍蛇散治風虛頑麻遍身紫白癰風癢痒痛者白
花蛇去骨焙黑稍蛇去骨焙草薺天麻黃芪金毛
狗脊自然銅骨碎補楓香研草烏頭鹽水浸剉地
龍各一兩乳香沒藥各三錢麝香二錢俱爲細末
酒煮丸梧子大每十五粒酒下食後爲末酒調服
亦得

○何首烏散治紫白癰風筋骨疼痛徧身疥癬手足
皸裂睡臥不穩行步艱難兼療癘疾眼斷白仁鼻